

**A Valeriu**

Scritto da Pep' 'e Ualla  
Lunedì 03 Agosto 2009 15:03 -

---

**A VALERIU**

**E tui puru s'arriu as passau**

**chen'e manu amiga o de parenti,**

**però scideus chi luttu as lassau**

**che fradi e fillu de totu sa genti,**

**mancai finzas su prus disfortunau.**

**Cun tui Asuni torra at interrau**

**un aturu becciu testimongiu**

**de unu mundu ch'est giai spacciau**

**e fusti de is chi prus at supportau**

**dolori antigu e antigu abbisongiu.**

**As biviù solu e diseredau**

**campendi casi sceti 'e caridadi**

**chi, rispettendidì sa dignidadi,**

**mai sa 'idda t'at fattu mancai,**

**sa propiu chi t'at 'ofiu accompangiai**

**finzas a s'enna de s'eternidadi.**

**T'at abetau genti di 'ogn 'edadi**

**In "Putzu Nou", innui ses arribau;**

**cumpangia, su nou bixinau,**

**t'at a fai' in s'ierru e in s'istadi;**

**pinnigau affaci 'e su nuraxi**

**t'at affestau in su logu 'e sa paxi.**

**E nosu ti sigheus a pensai**

**sonendi sa trumbitta in giru e in prazza,**

**che banditori crispu e di arrazza**

**t'eus a tenni' sempir' in memoria**

**A Valeriu**

Scritto da Pep' 'e Ualla  
Lunedì 03 Agosto 2009 15:03 -

---

**e aici ti 'oleus arregordai.**

***Adiu, Fogazza, e a sa Santa Gloria.***

*Pep' 'e Ualla*